

UGOVOR BR. 11/06-14-36293-10/17

ustupanje usluga edukacije nastavnika i zaposlenika u školama na području Kantona Sarajevo

I – UGOVORNE STRANE

Naručilac: KANTON SARAJEVO, Ministarstvo za obrazovanje, nauku i mlade

Ul. Reisa Džemaludina Čauševića 1, 71000 Sarajevo
ID broj: 4200666870003
koju zastupa **ministar prof.dr Elvir Kazazović**
u daljem tekstu: **Naručilac**.

Izvršilac: “Centar za obrazovanje i poduzetništvo” Sarajevo

Igmanska bb, Industrijska Zona Unis Pretis, 71320 Vogošća
ID broj: 4202368920009
koga zastupa **direktor Ensar Abazović**
u daljem tekstu: **Izvršilac**

II – PREDMET UGOVORA

Član 1.

Naručilac naručuje, a Izvršilac preuzima obavezu da za račun Naručioca, a prema uslovima i odredbama ovog Ugovora i na osnovu prihvaćene ponude Izvršioca broj: **12-0101-Dp/17 od 20.12.2017. godine**, izvrši usluge edukacije nastavnika i zaposlenika u školama na području Kantona Sarajevo.

Član 2.

Izvršilac se obavezuje da, po nalogu Naručioca i na osnovu prethodno usaglašenog i od strane Naručioca usvojenog obima usluga, izvede eventualne naknadne ili dodatne usluge, a sve u skladu sa odredbama ovog Ugovora i u skladu sa zakonom.

III – KVALITET I OBIM USLUGA

Član 3.

Izvršilac usluga se obavezuje da sve ugovorene usluge izvede prema usaglašenoj dokumentaciji, a u skladu sa važećim propisima, standardima i normativima za ovu vrstu usluga.

Član 4.

Sve vrste izvršenih usluga moraju biti u skladu sa važećim propisima iz ove oblasti. Izvršilac je dužan o svom trošku, izraditi i Naručiocu dostaviti odgovarajuću dokaznu dokumentaciju o ispravnosti i kvalitetu izvedenih usluga.

IV – KONTROLA

Član 5.

Stručni nadzor nad realizacijom usluga vršit će Ministarstvo za obrazovanje, nauku i mlade Kantona Sarajevo preko svog ovlaštenog lica. Izvršilac usluga je dužan da pismenim putem obavijesti Naručioca o imenu ovlaštenog lica za realizaciju ugovorenih usluga.

V – GARANCIJA O KVALITETU

Član 6.

Izvršilac usluga daje garanciju da će izvedene usluge bit realizovane u skladu sa važećim zakonskim propisima koji se odnose na edukaciju.

Član 7.

U slučaju naknadne pojave nedostataka u kvalitetu izvedenih usluga, a u okviru ugovorene realizacije usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog člana Ugovora, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

VI – CIJENA USLUGA

Član 8.

Ukupna vrijednost usluga po ovom Ugovoru iznosi:

61.500,00 KM (bez PDV-a)

Slovima: Šezdesetijednahiljadaipetsto

Član 9.

Izvršilac nema pravo na promjenu ugovorenih jediničnih cijena usluga po bilo kom osnovu, i u tom smislu **utvrđene jedinične cijene smatraju se fiksnim i nepromjenljivim.**

VII – NAČIN I USLOVI PLAĆANJA

Član 10.

Fakturisanje (plaćanje) će se vršiti **nakon ispostavljanja fakture** na žiro račun broj: **338 720 223 463 5563** otvoren kod **UniCredit Bank d.d.**

Ovjerenu i potpisanu fakturu Naručilac je, na način predviđen članom 11. ovog Ugovora dužan isplatiti Izvršiocu u roku od **30** dana, koji počinje teći danom njenog prijema od strane Naručioca.

VIII ROK I USLOVI IZVRŠENJE USLUGA

Član 11.

Period izvršenja ugovorenih usluga je decembar 2017. – februar 2018. S obzirom na broj nastavnika i zaposlenika koji će proći navedenu edukaciju i obim sadržaja edukacije, u dogovoru sa Izvršiocom usluga, Naručilac može produžiti rok za izvršenje ugovorenih usluga.

Član 12.

Pod uvođenjem Izvršioca u posao, u smislu odredbi prethodnog člana, smatra se obaveza Naručioca:

1. da potpiše i ovjeri ovaj Ugovor,
2. da preda Izvršiocu svu dokumentaciju potrebnu za realizaciju usluga,
3. da od Izvršioca traži uvid u prostor i opremu za održavanje edukacije.

Član 13.

Izvršilac poslova je odgovoran za:

1. organizovanje edukacije za sedam (7) programa (cirka 700 polaznika), u skladu sa specifikacijom i usaglašenim planovima sa Ministarstvom za obrazovanje, nauku i mlade Kantona Sarajevo,
2. izradu plana aktivnosti sa rokovima realizacije u skladu sa specifikacijama,
3. obezbjeđenje prostora adekvatnog za održavanje edukacije i odgovarajući broj edukatora,
4. da se ispune tehnički preduslovi za realizaciju edukacije navedeni u ponudi br. 12-0101-Dp/17,
5. izrada pratećih materijala u materijalnoj i elektronskoj formi,
6. izdavanje sertifikata o učešću za svakog učesnika edukacije,
7. dostavljanje izvještaja u materijalnoj i elektronskoj formi uz evaluaciju i prateću dokumentaciju za svaki pojedinačni program.

IX DOKUMENTACIJA

Član 14.

Izvršilac je obavezan svakodnevno voditi dokumentaciju koja je propisana zakonom za ovu vrstu poslova.

X IZMJENA ODREDBI UGOVORA, RASKID UGOVORA

Član 15.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi, a takav dokument čini sastavni dio ovog Ugovora.

Član 16.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XI PRELAZNE I ZAVRŠNE ODREDBE

Član 17.

Sastavni dio ovog Ugovora čine:

1. prihvaćena ponuda Izvršioca poslova br.12-0101-Dp/17 od 20.12.2017.godine,
2. sva druga obostrano usaglašena i ovjerena dokumentacija koja nastane tokom realizacije poslova.

Član 18.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.



Član 19.

Ovaj ugovor stupa na snagu danom potpisa od strane ugovornih strana.

Član 20.



Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

**IZVRŠILAC: "Centar za obrazovanje
i poduzetništvo" Sarajevo**


/Ensar Kazović/


Broj: 12-0104 Dp/17
Datum: 29.12.2017. godine

**NARUČILAC: KANTON SARAJEVO
Ministarstvo za obrazovanje, nauku i
mlade**


/Prof. dr. Elvir Kazanović/


Broj: 11/06-14-36293-1
Datum: 29.12.2017. godine